



15. august 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit tikisitat pillugit:

1. Inuussutissarsiornermut, Suliffeqarnermut, Niuernermut Nukissiuteqarnermullu Naalakkersuisoq isumaqarput nunatut naalagaaffiup tapiissutigisartagai atorfissaqartinnikkigut aningaasarpasuit sipaarsinnaagatsigit avataaniit sulisussarsiortarunnaarnitsigit. Aamma isumaqarpoq 2021-mi naalagaaffinngortariaqartugut. Tamatuma makkunanga apeqquteqarnissara pisariaqartilerpaa:

a. Naalakkersuisut isumaqarnerlutik ukioq 2021 nallertinnagu ilinniagaqassuseq ima qaffatsissinnaatigigipput allaat tikisitat atorfissaarutissallutigit?

b. Ullumikkut aningaasat qanoq amerlatigisut tikisitanut atortarpagut? Taggiinissaq ujartorpara nalunnginnakku kisitsit eqqoqqissaartoq tunniunneqarsinnaanngitsoq. Aamma piumaneruara kisitsimmi akissarsiat ilaatinneqassanngitsut naatsorsuutigakku nunaqavissut atorfinnik tigusisussat tikisitatulli akissarsiaqartinneqarumaartut.

c. a-mi aamma b-mi apeqqutima akineqarneri tunngavigalugit qinnutigissavara Naalakkersuisut isummerfigissagaat, aningaasat qassit sipaarneqarsinnaanersut avataaniik tikisitanik aggersitsisarneq unitsinneqarpat. Aamma Naalakkersuisunut isummerfigeqquara ilumut tikisitanik sulisoqarnerup unitsilluinnarnissaa pivusorsiornersoq?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Inuussutissarsiornermut, Suliffeqarnermut, Niuernermut Nukissiuteqarnermullu Naalakkersuisoq aggustip qaammataani Nuuk TV-mut uissuumminartunik oqaaseqarpoq naalagaaffinngornissaq aamma tamatuma aningaasatigut kingunissai pillugit.

Naalakkersuisoq pineqartoq taamaasilluni isumaqarpoq 2021-mi naalagaaffinngornissaq pivusorsior্তুoq aamma isumaqarpoq aningaasarsiornikkut ajornartorsiortoqalernaviannngitsoq, aningaasarpasuit sipaarsinnaassagatsigit avataaniik sulisussarsiortarneq unitsitsikkutsigu. Aamma isumaqarpoq nunaqavissut maannagaaq tikisitat atorfii tigusinnaareeraat.



DEMOKRAATIT
DEMOKRATERNE

Demokraatit isumaat naapertorlugu oqaaseqaatit kukkuppet erfangiutaannaallutillu.

Demokraatini isumaqarpugut, sulisussanik aatsaat tikisitsisartugut nunaqavissut akornanni piukkunnaateqarluartunik pissarsisinnaanngikkaangatta.

Tamanna tunngavigalugu isumaqarpugut Naalackersuisut kisitsisinik tutsuviginartunik saqqummiussisariaqartut aamma Inuussutissarsiornermut, Suliffeqarnermut, Niuernermet Nukissiuteqarnermullu Naalackersuisup oqaaseqaataasa qanoq tutsuviginartiginerat Naalackersuisut isummerfigalugu saqqummiussisariaqartut.

Apeqqutit akeqquakka ullut suliffiit nalinnaasut qulit iluanni.